

中国医药汇海



陆仙 编

中國醫藥匯編

北京市中国书店

中國醫藥匯海

第六編 醫案部目錄

醫案部提要·····	一
一 傷寒案·····	二
二 中風案·····	七
三 溫熱案·····	一一
四 瘟疫案 疫毒 ·····	二二
五 瘧疾案·····	二六
六 痢疾案(附泄瀉案)·····	三〇
七 霍亂案·····	三六
八 黃疸案·····	三八

九 痺痿案……………三九

一〇 痙厥案……………四三

一一 腫脹案……………四六

一二 驚癇案……………五二

一三 癲狂案……………五五

一四 消渴案……………五八

一五 癰閉案……………六一

一六 咳嗽案……………六四

一七 痰飲案……………六八

一八 便閉案……………七三

一九 精濁案……………七五

二〇 怔忡案……………七八

二一 眩暈案……………八〇

一二二	寤寐案	八二
一二三	六鬱案（氣血痰火滯熱）	八四
一二四	七情案	九一
一二五	痞滿案	九三
一二六	喘哮案	九五
一二七	嘔吐噦呃案	九八
一二八	關格反胃案	一〇二
一二九	前陰病陰吹案	一〇四
一三〇	諸痛案	一〇五
一三一	諸蟲案	一〇九
一三二	諸汗案	一一一
一三三	諸虛案	一二二
一三四	腳氣案	一二四

三五	七竅案	一二六
三六	經帶案	一一八
三七	崩漏案	一二一
三八	胎產案	一二三
三九	癥瘕案	一二八
四〇	嬰兒諸疾案	一三〇
四一	咽喉案	一二二
四二	瘡瘍案	一二三
四三	雜症案	一二八

中國醫藥匯海

第六編 醫案部

雲陽蔡陸仙編輯

醫案部提要

章翼方 助編
薛定華

樸學大師章公太炎曰：「中醫之成績，醫案最著，學者欲求前人之經驗心得，醫案最有線索可尋，循此鑽研，事半功倍。」由斯可想見醫案價值之一斑矣。中國醫書，雖多偏於玄學，然醫案一類，自漢淳于意創議至今，已歷二千餘年，均具有精確之事實，名家之工巧，悉粹於一爐。且孟子曰：「能與人規矩，不能使人巧。」嗟乎！規矩盡人可得，而巧則非所易獲，此工事之所以難能哉。吾儕臨診處方，隨心化裁，則神而明之，存乎其人，固非言文所能盡闡，豈巧字之不可幾耶！而本編精選各家之傑作，以病分類，相互對勘，專在巧字着眼，俾讀者免泥偏執之見，但此巧字，當由準確之規矩中而尋求之，誠非偶然之巧可比也。茲輯醫案爲第六編。

一 傷寒案

脉洪大而實，熱結在裏，小柴胡安能治之？仲景云：「傷寒十餘日，熱結在裏，復往來寒熱者，與大柴胡湯，三服而病除。」蓋大黃蕩滌蘊熱，傷寒中要藥也。大黃不須酒洗，生用爲有力。許叔微

西台橡葛君瑞，二月中，病傷寒發熱，醫以白虎湯投之，病者面黑如墨，本證遂不復見。脉沉細，小便不禁，東垣初不知也；及診之，曰：「此立夏前誤用白虎之故，白虎大寒，非行經之藥，不善用之，則傷寒本病，曲隱於經絡之間，或更以大熱之藥，求以去陰邪，則他證必起，非所以救白虎也，宜用溫藥之升陽行經者。」或難曰：「誤用大寒，若非大熱，何以救乎？」李曰：「本病隱於經絡間，陽不升則經不行，經行而本證見矣。」果如其言而愈。李東垣

一少年病熱，兩額火赤，躁走於庭，不能自禁，將蹈河，丹溪曰：「此陰證也。製附子湯飲之。」飲已，其病如失。朱丹溪

齊大兄，因感寒邪，頭項強，身體痛，自用酒服靈砂丹四五粒，遂大汗出，汗後身輕，至夜前病復發，以前藥復汗，其病不愈；復以通率散發汗，病添身體沉重，足脛冷而惡寒，是日方命醫，醫者不究前治，又以

五積散汗之，翌日身重如石，不能反側，足脰如冰，冷及腰背，頭汗如貫珠，出而不流，心胸躁熱，煩亂不安，喜飲西瓜梨柿冰水之物，常置左右，病至於此，命診之，六脉如蛛絲，微微欲絕，乃以死決之。主家曰：「得汗多矣，焉能有害？」曰：「夫寒邪中人者，陽氣不足之所致也。而感而輕重，治之豈可失其宜哉？」仲景曰：「陰盛陽虛，汗之則愈。」汗者助陽退陰之意也。且寒邪不能自汗，必待陽氣泄，乃能出也。今以時月論之，夏宜汗，然亦以太過爲戒，況冬三月閉藏之時，無擾乎陽，無泄皮膚，使氣亟奪，爲養藏之道也。違之則少陰不藏，此冬氣之應也。凡有觸冒，宜微汗之，以平爲期，邪退乃已。急當衣煖衣，居密室，服實表補衛氣之劑，雖有寒邪，勿能爲害，此從權之治也。今非其時而發其汗，乃謂之逆。仲景有云：「一逆尚引日，再逆促命期。」今本傷而并汗，汗而復傷，傷而復汗，汗出數四，使氣亟奪，衛氣無寄，陽泄於外，陰乘於內。故解云：「獨陽不生，獨陰不長，不死何待？」雖虛扁不能治也。是夜牀半，引頸身體不仁，手足搐急，爪甲青而死矣。金匱要略云：「不汗而妄汗之，奪其津液，枯槁而死。」今當汗之證，一過中亦絕其命，況不常汗而強汗者乎？羅謙甫

潘子庸得感冒證已汗而愈，數日復大發熱惡寒，頭痛眩暈，嘔吐却食，煩滿，欬而多汗，滑診其脉，兩手皆浮而緊，在仲景法勞復證，浮以汗解，沉以下解，爲作麻黃湯、葛根湯、三進更汗，旋調理數日愈。其時

來醫以病後虛憊，且圖溫補，伯仁曰：法當如是，因遂來用之。附七

余在燕都，治一王生，患陰虛傷寒，年出三旬，而舌黑之甚，其芒刺乾裂，焦黑如炭，身熱便結，大渴喜冷，而脈則無力，神則昏沉，羣醫謂陽證陰脈，必死無疑。余察其形氣未脫，遂以甘溫壯水等藥，大劑進之，以救其本，仍間用涼水以滋其標。蓋水爲天一之精，涼能解熱，甘可助陰，非若苦寒傷氣者之比。故於津液乾燥，陰虛便結，而熱渴火盛之證，亦所不忍，由是水藥並進，前後凡用人參、熟地、鹽各一二觔，附子、肉桂各數兩，冷水亦一二斗，然後諸證漸退，飲食漸進，神氣俱復矣。但察其舌黑則分毫不減，余甚疑之，莫得其解，再後數日，忽舌上脫一黑殼，而內則新肉粲然，始知其腐膜焦枯，死而復活，使非大爲滋補，安望再生。若此一證，特舉其甚者紀之。此外凡舌黑用補而得以保全者，蓋不可枚舉矣。所以凡診傷寒者，當以舌色辨表裏，以舌色辨寒熱，皆不可不知也。若以舌色辨虛實，則不能無疑，蓋實則能黑，以火盛而焦也，虛亦能黑，以水虧而枯也。若以舌黃舌黑，悉認爲實熱，則陰虛之證，萬無一生矣。張景岳

都事靳相莊，患傷寒，十餘日，身熱無汗，佛鬱不得臥，非躁非煩，非寒非痛，時發一聲，如歎息之狀，醫者不知何證。應宿診之曰：此懷機佛鬱診也，投以梔子鼓湯，一劑十減二三，再以大柴胡湯，下燥屎，佛鬱除而安臥，調理數日而愈。江應宿

王月懷傷寒至五日，下利不止，懊懣腹脹，諸藥不效，有以山藥茯苓與之，慮其瀉脫也。士材診之，六脈沉數，按其臍，則痛，此協熱自利，中有結糞，小承氣倍大黃服之，果得結糞數枚，利遂止，懊懣遂安。士材

材

葉孕婦，亦傷寒將發，誤食鷄麵鷄子，大熱喘脹，余乘其病正傳陽明胃經之時，日間與彼雙表去邪，夜間即以酒大黃，元明粉，連下三次大便，凡十六行，胎仍不動，次早即輕安，薄粥將養數日，全愈。此蓋乘其一曰驟病，元氣尙旺，盡驅宿物，以免纏綿也。設泥有孕而用四物和合下之，則滯藥反爲食積樹黨矣，安望其能驅邪哉！喻嘉言

嘉善黃姓，外感而兼鬱熱，亂投藥石，繼用補劑，邪留經絡，無從而出，下注於足，兩脛紅腫大痛，氣逆沖心，呼號不寐。余曰：此所謂用足傷寒也，足將落矣。急用外治之法，薰之蒸之，以提毒散瘀，又用丸散，內消其疾火，并化其毒涎，從大便出，而以辛涼之煎劑，托其未透之邪，三日而安。大凡風寒留於經絡，無從發洩，往往變爲癰腫，上爲發頤，中爲肺癰肝癰痞積，下爲腸癰便毒，外則散爲斑疹瘡瘍，留於關節則爲痿痺拘攣，注於足脛則爲跖足矣。此等證俱載於內經諸書，自內外科各一門，此等證遂無人知之矣。徐

靈胎

瓜果水寒，暴涼迅風，內外兩因，舌白，渴不能飲，脘中脹滿，煩不肯寐，身無熱，頭不疼，微嘔，此足太陰中寒，已經冷汗肢厥，脈弱濡伏，醫者以疲敵方藥，正如隔靴搔癢矣。

生草果 生於朮 養梗 淡乾姜 厚朴 丁香 栝實 天土

舌縮，語音不出，呼吸似喘，二便不通，神迷如寐，此少陰腎液先虧，溫邪深陷陰中，瘰癧已見，厥陽內風上冒，本質素怯，邪伏殊甚，實爲棘手，議護下道之陰，清解溫熱之深藏，以冀萬一。薛生白

阿膠 鮮生地 元參 鮮石菖蒲 川黃連 童子小便

太陽中風，耽延五日不解，衝氣上動，宛若奔豚，腹滿泄瀉而渴，兼有少陰症矣，兩層兩感，太陽少陽並見，一兩感也，其人積怒內傷，又加外感，此二兩感也，可畏之至！且先伐其衝氣。吳鞠通

桂枝 雲苓塊 川芎 當歸 川椒炭 生姜

復診太陽少陽兩感，衝氣上動如奔豚，與苓桂重伐腎邪，今日一齊復解，脈靜身涼，衝氣寂然，可喜之至，微有疾飲咳嗽，當與和胃令能食。吳鞠通

雲苓塊 桂枝 生姜 姜半夏 廣皮 大棗 焦白芍

傷寒兩感，挾滯交阻，太陽少陰同病，羣寒發熱，頭痛無汗，胸悶腹痛拒按，泛嘔不能飲食，腰痠骨楚，

香白膩，脈象沉細而遲，病因經後房勞而得，下焦有蓄瘀也，慮其傳經增劇，擬麻黃附子細辛湯加味，溫經達邪，去瘀導滯。丁甘仁

淨麻黃 熟附片 細辛 赤苓 仙半夏 枳實炭 製川朴 大砂仁 查炭 延胡索
兩頭光 生姜

二 中風案

病癱風十餘年，子和曰：足有汗尚可治。當發汗，其汗當臭，涎當腥，以三聖散吐之。大吐，汗果臭，痰腥如魚涎，次以舟車丸，潯川散，下五七次，數服乃安。張子和

浦江鄭君，年近六旬，奉養舊梨，仲夏久患滯下，又犯房勞，一夕如廁，忽然昏仆，撒手遺尿，日上視，汗大出，喉如拽鋸，呼吸甚微，其脈大而無倫，次部位可畏之甚，此陰虛而陽暴絕也，急令煎服人參膏，且與灸氣海穴，艾壯如小指，至十八壯，右手能動，又三壯唇微動，參膏成，與一盞，至半夜後，盡三盞，眼能動，盡二勛，方能言而索粥，盡五勛，而利止，十數勛，全安。朱丹溪

李子才年四十餘，素性暴，忽因怒卒暈倒，脈浮中無，沈按數六至，此陽虛陷入陰中之證，以補中益

氣加六味丸料少許，四貼而愈。胡慎柔

憲幕顧斐齋左半身并手不遂，汗出神昏，痰涎上湧，王竹西用參芪大補之劑，汗止而神思漸清，頗能步履，後不守禁，左腿自膝至足腫脹甚大，重墜如石，痛不能忍，其疾甚多，肝脾腎脈洪大而數，重按則軟濡，立齋朝用楠中益氣湯加黃柏、知母、麥冬五味煎送地黃丸，晚用地黃丸料加知柏，數劑諸證悉退，但自弛禁，不能全愈耳。薛立齋

左關弦急，右關滑大而軟，本因元氣不足，又因怒後食停，乃進理氣消食藥，得解黑屎數枚，急改用六君子加姜汁，服四劑而後量止，更以人參五錢，芪朮半夏各三錢，茯苓歸身各二錢，加減調理，兩月即愈，此名虛中，亦兼食中。李士材

運使王公穀授，自長蘆罷官歸里，每向余言，手足麻木而痰多，余謂公體本豐腴，又善飲啖，痰流經絡，宜擇節爲妙。一日忽昏厥，遺尿，口噤，手拳，痰聲如鋸，皆屬危證。醫者進參、附、熟地等藥，煎未成服，余診其脈，洪大有力，面赤氣粗，此乃痰火充實，諸竅皆閉，服參、附、立斃矣，以小續命湯去桂、附，加生軍一錢爲末，假稱他藥納之，羈旁人之疑駭也，戒驚莫不諱然。太夫人素信余，力主服余藥，三劑而有聲，五劑而能言，然後以消痰養血之藥，調之一月，後步履如初。徐靈胎

趙秋飭去秋患左半不遂，伊弟主清熱獨痰，治之未能速效。孟英診之，脈甚遲緩，苔極黃膩，便秘多言，令於藥中和入竹瀝一碗，且以龍蒼滾痰二丸相間而投，二丸各用斤許，證始向愈。今春出房，眠食已復，而素嗜厚味，不戒肥甘，孟夏其病陡發，孟英診之，脈形滑駛如蛇，斷其不起，秋初果歿。王孟英

曾治元配周氏，年四十，動儉過甚，氣血久枯，忽一日早，頭暈仆地，人事不省，痰涎滿口，手撒鼾睡，氣息如絲，按之六脈浮遲，乍有乍無，吾料其不可爲也。勉強與三生飲，濃煎濃之，外以神應散吹鼻，得嚏而甦，乃以六君子湯兼六味地黃丸服之，一載無功，交春而歿。可見氣血虛甚者，即治之得法，亦竟不能保其長年。齊有堂

十二日來，千支一輪，右肢接木，右跗足略有痛象，舌紫未變，味少甘美，虛象顯然，三日前，主家以齒痛爲熱，醫迎主見，即投辛涼解散，此證虛在肝腎下焦，若不固本，漫無着落，仍以前法，加入涼肝可也。葉天士

熟地 枸杞 牛膝 遠志肉 茯神 川斛 天冬 甘菊炭

真陽以腎爲宅，以陰爲妃，腎虛陰衰，則陽無偶而蕩矣，由是上炎，則頭耳口鼻爲病，下走，則膀胱二陰受傷，自春及秋，屢用滋養清利之劑，欲以養陰，而適以傷陽，不能治下，而反以戕中，內經所謂熱病未

已，寒病復起者是也。鄙意擬以腎氣丸，直走少陰，據其窟宅而招之，同聲相應，同氣相求之道也。所慮者，病深氣極，藥入不能制病，而反爲病所用，則有增劇耳。尤在涇

向有偏頭風，痛甚則或有眩暈，今煩勞傷陽，久虛風動，旋掩清空，絡脈弛懈，陡覺右肢痛，而左肢不用，是風中在左也。迄今五日，嘔吐痰飲已止，右額微腫而痛，食少便結，脈虛滑，此腑絡兼中之症，痰爲虛疾，風爲內風，宜清養陽明，柔息厥陰，冀其漸愈，曾有便血，當此燥令，尤須遠剛用柔。張千星

西洋參 陳皮 胡麻仁 鉤藤鉤 羚羊角 茯苓 杭茶菊 霜桑葉 驢皮膠 丹皮

稽豆衣 絲瓜絡

一水以濟五火，卽腎是腎也。水不足以滋肝木，風陽鼓動，心火隨之，以致心胸不安，頭眩肢麻，膝理刺痛，腕動氣竄作脹，脈來左部細數，右部兼滑，風陽下陷，挾有滯痰，延防類中，當滋以柔肝，兼養心脾，以化痰溼。王九峯

生地 當歸 沙參 茯神 夜合花 柏子仁 沙苑 陳皮 澤蘭 牡蠣 金橘餅

腎陽虛，木少水養，化風上僭，右半體麻木，盛時竟至暈厥，心宕腰痠，脈細口多涎，當從本元立方。增

清劑

北沙參 大白芍 杜仲 淡木瓜 磁珠丸 製首烏 陳皮 硃茯神 海浮石 川斷

煅牡蠣 鹽半夏 沙苑子

氣虛多滯之體，加以勞頓，掣動陽氣，致陽氣挾痰上升，清曠之區，靈明之府，悉爲濁所瀰漫，以致神情呆頓，迷沉多睡，右手足運行不利，口眼喎斜，脉弦而滑，苔白質膩，此由肝風挾痰，阻於心脾之絡，爲類中之症，刻在瞶張之際，恐陽氣復上，而不語神昏，痰從內閉，姑先開閉，姑先開竅，滌痰，以備商進。張中書

製半夏 枳實 廣橘紅 廣鬱金 九節菖蒲 赤白苓 妙遠志 白僵蠶 白蒺藜

製南星 人參再造丸

肝腎內虧，風溼外淫，肌肉自覺癢脫，肛門又覺下墜，平日身軀，自覺痠楚，現在小溲，又見紅赤，左脉細弦，右脉細數，風主平肝，溼主平脾，治法兩去風溼，藉以兩和肝脾。金子人

黃芪 冬朮 當歸 白芍 川草薢 廣皮 防風 苓皮 絲瓜絡 忍冬 稀簽草 桑枝

三 溫熱案

孕婦，春夏之交患溫病，頭痛發熱，不惡寒而渴，未及療治，胎墮，去血無算，昏眩欲絕，王令以麥門冬